

1499

*Veneti Ca-
ravagium
occupant.**Et Sonzi-
num.*

reliquaque ad priorem exercitus partem adjuncta parte, parvo temporis spatio vicis castellisque quæ cis Abduam flumen sunt, compluribus in ditionem acceptis, Caravagium, quod est ejus regionis caput, exercitum adducunt. Legati ad oppidanos miserunt, si se oppugnari sinerent, se se oppidum militibus tradituros. Ea nocte nullum est responsum datum. itaque stationibus militum ad oppidi fossas dispositis, legati ut muros mane quaterent se comparabant. Oppidani autem prima luce ad legatos venerunt, seque eis dediderunt, arce excepta, quæ ab ipsis non tenebatur: eamque fuisse causam dixerunt, cur non se legatis evestigio permisissent, quod arcem quoque tradere voluissent. Legatis introductis, missisque ad præfectum arcis internunciis, postridie ejus diei arx deditur, legato Ludovici, qui in ea erat, militibusque omnibus abeundi potestate impetrata, oppidanis postulantibus. Hoc idem Sonzinate fecerunt. Sed arcis præfectus misso ad legatos internuncio, velle se arcem tradere sponte pollicitus, quæ quidem esset tormentis rebusque omnibus munitissima, ab eis petiit, ut sibi civitatem & jus comitiorum darent. Illi ejus rei facultatem se habere nullam cum respondissent, literasque ad Senatum daturos receperissent: præfectus se in eo reipublicæ fidei velle permettere, ne qua propterea mora legatis fieret, liberaliter pronuncians, arcem tradidit.

Iisdem diebus parte altera Triultio Alexandriam tormentis oppugnante, Galeatus Ludovici gener, qui oppidum defendebat, cum paucis clam noctu egressus Mediolanum abiit. qua intellecta re, complures ejus equites militesque oppido auferunt: itaque mane Galli ab oppidanis introduci, oppidum capiunt. Placentini missis ad Triultum legatis, itemque Ticinenses, se se ei dederunt. Mediolani autem militibus Ludovici stipendum postulantibus, cum eos Ludovicus ad quæstorem suum rejisset, ille vero moram interponere ei rei vellet, milites multis illatis vulneribus quæstorem prope interfecerunt. Civitatis principes veriti ne diriperentur, simul quod no-

vis